

重刊道藏輯要

元始无量度人上品妙經卷之十六

陰陽離合五行化體品

道言昔於玄變天中元明靈歌大真化土受元始度人陰陽離
合五行化體无量上品元始天尊當說是經周迴十過以召十
方始當詣座天真大神上聖高尊妙行真人無鞅數眾乘空而
來凝輝明虛絳輦丹輿扶華翠葆映耀非烟瑞炁八靄靈光四
纏九日九夜諸天陰陽經緯二景三元停運息機太空騫朗洞
極難名風雲靜肅物象敷榮一國地土山川林木緬平一等無
復高下土皆紋玉交纏萬彩眾真侍座元始天尊玄坐浮空太

道藏輯要

度人妙經

角集四

極十華九光之座說經一徧諸天大聖同時稱善是時一國男
女疾累悉得消除說經二徧物遂其生說經三徧道炁歸形說
經四徧人民富壽俱獲延長說經五徧二儀升降和合自然說
經六徧四時順德造育化愆說經七徧百靈協化萬寶咸熙說
經八徧率土之內安裕豐康欣樂太平保世榮昌說經九徧風
俗淳厚尊崇道真說經十徧存亡受惠普賴玄恩是時一國是
男是女莫不傾心皆受護度咸得長生

道言是時元始天尊說經一徧東方无極无量品玉寶大神無
鞅之眾浮空而至說經二徧南方无極无量品玄真大神無鞅
之眾浮空而至說經三徧西方无極无量品太妙大神無鞅之

眾浮空而至說經四徧北方无極无量品紫陽大神無鞅之眾
浮空而至說經五徧東北无極无量品度化大神無鞅之眾浮
空而至說經六徧東南无極无量品好生大神無鞅之眾浮空
而至說經七徧西南无極无量品明華大神無鞅之眾浮空而
至說經八徧西北无極无量品玄冥大神無鞅之眾浮空而至
說經九徧上方无極无量品玉虛大神無鞅之眾浮空而至說
經十徧下方无極无量品眞皇大神無鞅之眾浮空而至十徧
周竟十方无極天真大神一時同至一國男女傾心歸仰來者
有如雲飛霧集無鞅之眾進國一半土皆徧陷非可禁止於是
元始攝聚二景日月之根盤結縈纏成一寶輪大如車轂在空

道藏輯要

度人妙經

二

角集四

玄之中去地九丈元始登引天真大神上聖高尊妙行眞人十
方无極陰陽五行至眞大神無鞅數眾俱入寶輪之中天人仰
看惟見勃勃暎其光明而入於中既入寶輪不知所在國人廓
散地還平正無復欹陷元始卽於寶輪之內說經都竟眾眞監
度以授於我當此之時喜慶難言法事粗悉諸天復位倏歛之
間寂無遺響是時天人遇值經法曾得濟度全其本年無有中
傷天地率土道合至眞無虧無敗無動無擾無愆無塞無乖無
異無衰無滅物無天喪命有長生慈惠相保仁善協心國安民
豐欣樂太平經始出教一國以道預有志心宗奉禮敬皆得度

世

道言元始天尊說經中所言並是諸天上帝內名隱韻之音亦是真王內諱百靈之隱名也出有人無離合陰陽五行變化其體歸常能明能光能存能亡知而行之驅陰運陽非世之常辭上聖已成真人通玄究微能悉其章誦之十過諸天諸地陰陽五行運化之神設禮致恭齊來敬仰妙用常和正氣不忘生津自開品彙咸若無有隳殘至學之士誦之十過則陰陽順德五行齊切上循天紀歷度不窮保濟否厄絕而得延所以爾者學士道絜未純體未合神撫調致理位未達玄任力可以消卻時災禳制運會但祛害而已蠲其殃禍輕誦此章考罰被身供養尊禮門戶興隆世世昌熾與善因緣萬災不干神明護門斯經

道藏輯要

度人妙經

三

角集四

又文一

尊妙獨步玉京度人无量爲萬道之宗巍巍大範德難可勝

道言凡誦是經十過諸天齊到陰陽五行錯謬之氣勃沴之理皆卽協和契會至真道備三年輔化通幽咸致神靈而運用玄關造育生成如司其權錄名金闕簡在玉清也上學之士修誦是經陰陽五行外內合玄外營恢範內守天元內外之機符其自然世人受誦則日月星辰降注其晶於其身中後皆得作尸解之道魂神暫滅不經地獄卽得返形遊行太空此經微妙普度無窮一切天人莫不受慶无量之福生死蒙惠上天之寶不傳下世至士齋金寶效心盟天而傳輕泄漏慢殃及七祖長役鬼官侍經五帝玉童玉女各二十四人營衛神文保護受經者

身

道言正月長齋誦詠是經陰陽離合萬物受生剛柔和協錯綜
五炁化體無傷形神永存七月長齋誦詠是經陰陽離合萬物
受成載營抱魄充備五德化體彰明形神永全十月長齋誦詠
是經陰陽離合萬物歸真混合玄根育養五精化體常堅形神
永昌總其上道保鎮帝王國祚綿綿至治無疆八節之日誦詠
是經開導和氣集助化功修積無已登獲仙宗本命之日誦詠
是經陰陽五行神妙之元保我生命扶我軀靈長離苦惱身有
光明三界侍衛五帝司迎萬神朝禮名書上天功滿德就飛昇
上清

道藏輯要

度人妙經

四

角集四
川文三

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐青黃白三
色雲炁之中內外蒼冥有青龍白虎朱雀玄武獅子白鶴羅
列左右日月照明洞煥室內頂生圓象光暎十方如此分明
密呪曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
日吉慶長齋清堂修行至經无量度人願所啟徑御无上

三十二天元始上帝至尊几前

畢

引炁三十二過東向誦經

元始无量度人上品妙經

元始洞玄靈寶本章陰陽離合五行化體上品妙首十極度人
天皇隱韻離合自然太極妙範幽微至玄大混之始運化百神
清濁辨體升降陰陽交會變化景耀昭彰積氣定數五用分方
下育其形上麗其精長養於中道有其常柔剛燥濕寒暑溫涼
沖和元一總括靈綱相資相化相剋相成無此不立無此不成
無此不度無此不生是爲靈寶天中之真瓊琅上境會月之宮
摠攝萬界統御玉晨鬱請華煙縹緲之根三關九域承光妙宗
金闕玉房森羅淨霑大行梵炁周迴十方中有陰陽造化之神
中有開天立極之君中有主宰玄機大神中有三元皇君丈人

道藏輯要

度人妙經

五

角集四
川文三

中有司掌五靈五炁四時四序太歲尊神離合化體无量度人
今日校錄諸天臨軒

東方无極啟靈神王長生大聖无量度人

南方无極華景神王長生大聖无量度人

西方无極育素神王長生大聖无量度人

北方无極元精神王長生大聖无量度人

東北无極定運神王長生大聖无量度人

東南无極開生神王長生大聖无量度人

西南无極成德神王長生大聖无量度人

西北无極玄寶神王長生大聖无量度人

上方无極天樞神王長生大聖无量度人
下方无極地關神王長生大聖无量度人

十方至真主化神王長生度世无量大神並乘飛雲絳輦丹輿
扶華翠葆驂駕瑞獸五色驪龍建流火之節玄耀大旛前導十
天妙樂後參三界謠歌赤文洞章和合生音十華啟塗七精捧
轅億仙萬真吟詠而來遊空步虛召炁攝雲天樞丞相无極元
宮九靈玄佐化炁大神執籙持符齊到帝庭隨所開化運幹諸
天普告三界洞冥六關青館丹池黃關泉臺離合陰陽化體五
行驅役感變萬類生成包羅流布二炁飛騰大化交周升降相
纏元運四虛綱紐回旋把握元機陰魄陽魂玄悟真妙神飛玉
道藏輯要

度人妙經

六

角集四
三三一

京朱陵火鍊仙化超升升真受度劫劫長存陰陽輪轉與天齊
年永離鬼魔干試之難超凌三界逍遙太清太清之天天帝化
光無色之境梵行

東方八天

耀祺靈敷天

帝重機冲玄

瑜昉智參天

帝福世化仙

乙羅冲試天

帝都智益相

景妙盡思天

帝觀察九幽

田靈緒成天

帝芝淵嶽

離真合玄變極天

帝進達玄通

道依顯靜虛神天

帝猷神合思

歷思證理明通天

帝定旋希元

南方八天

持容慶緒拱化天

帝道輔赤明

樂佑思真管熙天

帝孟若享良

魯咸至中天

帝遵徒詢

英齊裕管天

帝嶧求滿真

粟還玄冲天

帝邈暢洞禹

周極盟真天

帝卓湛起玄

明洞祕思天

帝幾先承臯

道藏輯要

度人妙經

七

角集四

康宗揚義超無天

帝動常遜

西方八天

敦極洞皇天

帝玄華定明

照志演微天

帝道萬有來

太始昭生天

帝本希冲遙

嚴極靜修天

帝安邱居疇

直輪渾樞天

帝彥樂想敷

吉令化時天

帝碧琳次回

温閔成儀天

帝鐸儲庸良

肅圓恭慶天

帝熙德重光

北方八天

惠祖龍坡天

帝全無定生

寂無常善天

帝無玄敬充

蒙玄靈示天

帝道伯高

妙度進良天

帝望宗景昭

灑景護真天

帝宥慶離丕

九真太羽天

帝變常宗

默和隆度天

帝燿河司靈

幽無委玄天

帝奕功仲動

三十二天三十二帝諸大隱諱諸大隱名天中空洞自然靈章

道藏輯要

度人妙經

八

角集四

諸天隱韻陰陽之音五行之尊離合之神化體自然窮變之靈
九和十合變化上清九量之奧深不可詳敷落神真普度天人
今日欣慶受度歷關諸天呼陰召陽聚散激熾春木孕火為夏
之炎秋金育水為冬之寒四季運土萬物生全三炁化體離合
幽關二景騰變乃辨五行三炁結精鼓躍陶鎔飛伏沉顯道行
其權三界直立萬類俱安再離再合神精播宣玉丹凝結形具
質靈化體萬變一真自然真王持鑰啟闢天門東斗生陽西斗
誕陰陰陽斗降金魄木魂北斗玄津南斗赤明中斗總御常司
眾靈青帝發生白帝成形赤帝敷養黑帝通精黃帝定意檢策
萬神青天魔王巴元醜伯赤天魔王負天擔石白天魔王翻山

六目黑天魔王監醜朗馥黃天魔王橫天擔力五帝大魔萬神
之宗隨炁離合體化周流飛騰翕張與道爲傳建植大器分布
九邱經營天地掌握神兵持符執節飛行太空白號赫奕諸天
齊功上天度人嚴攝北酆黃老奉詔殄滅祇祥夔龍禦毒麟騎
驅鋒參尾警前赤甲揚旌擲火萬里流鈴八衝敢有干試拒遏
上眞素靈前戮火兵後刑陰蕩鬼魅殺伐邪精明晨定錄考校
無停魔無干犯鬼無逃形六天列曹案察鬼營不得容隱風火
驛呈普告三元萬神咸聽九淵上佐簡奏太清洞劫綿曠太始
龍康眇眇億劫混沌之中離合陰陽五性自生化體空常上窮
三色下極重淵風轉九虛金火乘天天上天下無幽無冥無形

道藏輯要

度人妙經

九

角集四
又文川

無影無極無窮溟滓化炁遼廓交纏丹光啟圖劫歷自然元始
安鎮敷落五篇赤書玉字八威龍文保制劫運使天長存梵炁
彌羅萬範開張元綱流演三十二天輪轉無色周迴十方旋斗
歷箕回度五常三十五分摠炁上元八景冥合炁入玄玄玄中
太皇上帝高尊汎景太霞嘯詠洞章金眞朗郁流響雲營玉音
攝炁靈風聚烟紫虛鬱秀輔翼萬仙悉由陰陽離合五行化體
顯充妙炁生成感變正道開化至眞眞中有神長生大君青華
大帝皓靈尊神太乙務猷司命理明桃康主命合延帝尊執符
把錄保命生根上遊九清出入黃房玄丹之內絳闕之中下鎮
六扉洞穴蒼精中理五炁混合百神十轉迴靈萬炁齊仙仙道

貴生无量度人上開八門飛天法輪罪福禁戒宿命因緣普受
開度死魂生身身得受生上聞諸天諸天之上各有生門中有
離合化體之章真王靈篇辭參高真

第一離合飛空之音

一炁既闢

萬化通流

離合陰陽

大劫交周

九天八極

三十二關

一離一合

炁數推遷

明明元象

下應人身

森羅宮闕

統備百神

欲斷輪轉

順修五行

五行變化

是為天元

爾能識之

舉形飛仙

道藏輯要

度人妙經

十

角集四

靈府濁昧

為道不成

豈知悟道

神炁同升

陰陽離合

萬物循萌

逍遙過三界

自然無死生

神飛步圓羅

雙闕朝高真

第二真人化體之章

控駕遊八冥

停景崑山阿

金闕禮虛皇

鬱請乘大霞

化體空無中

生成濯玄波

拘形欲未蠲

陰念無津涯

業念相追尋

漫漫沈愛河

一墮穢濁境

苦道興悲歌

我今敷至教

正炁遏邪源

赤文度羣品

黃旗招大魔

永以享大福

億齡笑足多

嗟爾塵中子

背真其如何

第三五行陰陽歌曰

渺渺三天上

巍巍白玉京

元始御明景

立此大化根

陰生結黃華

陽光敷赤輪

二炁相纏羅

太空流五行

七景忽騰變

萬彙從此生

五行互遷改

誰測敗與成

神霄執玄紀

總校諸天人

左攝三界魔

右制六天兵

寶章召和炁

玉符集百靈

天丁秉瓊鉞

赤帝擲流金

收捕羣魔醜

道藏輯要

度人妙經

七

角集四
川上

境土皆澄清

普天被真陰

億劫保無傾

此三界之上飛空之中真王歌音音參洞章誦之百遍名度南宮誦之千遍真王保迎萬徧道備飛昇太空過度三界位登仙公有聞靈音真王敬形敕制地祇侍衛送迎拔出地戶五苦八難七祖升遷永離鬼官魂度朱陵受鍊更生是謂无量普度無窮有秘上天文諸天共所崇泄慢墮地獄禍及七祖翁

道言此二章並是諸天上帝及至靈仙王隱秘之音陰陽離合之奧五行化體之機啟造天地三界剖析混沌之音皆是大梵之言非世上常辭言無韻麗曲無華宛故謂之奧難可尋詳上天所寶秘於神霄玉清王府東華經室數歷壬辰依玄科下傳

若有至人齋金寶質心依舊格告盟真王然後而付焉
道言夫天地運度亦有否終日月五星亦有虧盈至聖神人亦
有休否未學之夫亦有疾傷皆陰陽離合化體變現之象凡有
此災同禬皆當齊心修齋六時行香十遍轉經福德立降消諸
不祥无量之文普度無窮

道言夫未學道淺或仙品未充運應滅度身經太陰臨過之時
同學至人爲其行香誦經十過以度屍形如法魂神徑上南宮
隨其學功計日而得更生輪轉不惑便得神仙

道言夫天地運終星宿錯度日月失明四時失度陰陽不調國
畿水旱疫毒流行兆民死傷師友命過此爲陰陽五行離合化

道藏輯要

度人妙經

十一

角集四
川文上

體之變皆當修齋行香誦經夫齋戒誦經功德甚重上消天災
保鎮帝王下禳毒害以度兆民生死受賴其福難勝故曰无量
普度天人

道言凡有是經能爲天地帝主兆民行是功德有災之日發心
修齋燒香誦經十過皆諸天記名萬神侍衛右別至人剋得爲
聖君金闕之臣諸天記人功過毫分無失天中真王亦保舉爾
身得道者乃當洞明至言也

諸天中大梵隱語无量音

道君撰

元始陰陽離合五行化

體靈書玉篇

東方八天

登岐伽當 漏采殊華 畢遙晉竟

陽職奔涯 畧粟延鎮 欽弁密夸

吳嶺睦齋 煙迷備賒 燿戴紀落

匪清晦陳 邁逮嬰緒 命列逾秦

酢推晏優 隸湖閱臻 惑習疲驛

延剛保垠

南方八天

墩籍肆濡 騫連法眸 定微勤索

益名齒都 昕京埔傍 茂神論王

既懇甫比 演質元存 亮澤育嶽

道藏輯要

度人妙經

十三

角集四

遮地密眞 禱旨愛節 聊安步伸

觀羅曷帝 妙赤祕輪 學但營茂

紀弁寥寅

西方八天

鈕鐸率堅 蘭康滋孫 敬鞠間熾

躍持求昆 琥驛傳牘 韓機郁文

驗考道聰 汧林啟昏 極侯備衷

那牢雌能 彌劉夷默 時圖印成

迨淵期盧 亶全幽岑 魯淡蹇望

胡滿救金

北方八天

信祖熙路

賓恭召經

絡斗俯胃

青君奕賓

本應師鐸

元堂古陳

別則仇敏

移精竹棼

誥宗宜竦

閣德宛循

亭微保際

坤山野侖

猛敵象魔

攷猷窈靈

敕意天放

聊維幾雲

道言此諸天中大梵隱語无量之音舊文字北斗元魁南斗天
箕施行陰陽運幹五行鎮三界於混極立玄機於太清離合得
以交其道水火得以榮其靈統攝羣類與真合盟浩劫不竭謁

道藏輯要

度人妙經

古

角集四

帝玄庭字皆廣長一丈天真皇人昔書其文以為正音有知其
音能齋而誦之者諸天皆遣飛天神王下觀其身書其功勤上
奏諸天萬神朝禮地祇侍門大勳真王保舉神霄道備剋得遊
行三界昇入金門此音無所不辟無所不禳無所不度無所不
成天真自然之音也故誦之致飛天下觀上帝遙唱萬神朝禮
三界侍軒羣祿束首鬼精自亡琳瑯振響十方肅清河海靜默
山嶽吞煙萬靈振伏招集羣仙天無氛穢地無祲塵冥慧洞清
大量玄玄也